

**TSHOOJ VII: TSHOOB NKAUJ THIM THIAB
NKAUJ XA**

Tshoob nkauj thim muaj tsawg heev nyob rau tsev neeg Hmoob txoj kab tshoob kev kos. “Nkauj Thim” yog tus ntxhais uas twb mus ua luag poj ua sev lawm. Tshoob kos ua tiav tag, noj hauv kev neej kev tsav noj tag tib si lawm. Tus ntxhais mam ho hloov siab tsis xav ua neej nrog tus txiv, kev thim mam tshwm sim.

“Nkauj Xa” mas muaj ob hom. Xws li hom (1) yog tus ntxhais uas twb mus xaus tshoob tag mam ho xa tom qab. Hom (2) yog tus ntxhais uas tus tub muab xa rov rau niam txiv ua ntej mus xaus tshoob xaus kos. Nkauj xa ces yog tus ntxhais uas tus txiv yuav tsis taus ua poj ua sev lawm.

Hmoob 18 Xeeb pom tau hais tias lub txhooj tshoob kos no zoo li tsis meej tseeb pes tsawg. Yog li, Hmoob 18 Xeeb thiaj tau muab rov los ntsuam xyuas dua ib zaug ntxiv kom meej tseeb tshaj yav tas los rau tsoom Hmoob koj lawm yav tom ntej.

TSHOOJ VII -FEEM I: TSHOOB NKAUJ THIM

Tshoob nkauj thim no mas yuav tau xyuas seb thaum lub caij nyoog thim ntawd ho thim li cas. Hais txog li ntawm tej nyuag nqi tshoob nqi kos nrog rau cuab yeej cuab tam tej ntawd ne, ho thim li cas rau li cas.

**TSHOOJ VII – FEEM II: TXOJ CAI TSHOOB
NKAUJ THIM**

- A. Tshoob Nkauj Thim tsis muaj cai mus thoob xo/fi xov
- B. Tshoob nkauj thim niam txiv tsis muaj cai thov khaub tsho, cob txheeb, yaj ncos, poj tsiag zov kwv, qhwv niam laus hauv caug, nyiaj sia siv, nyiaj qhaib tshoob,

thiab nyiaj cheb rooj lawm, yog thaum thim niam thiab txiv tsis thim tej yam uas teev los saum toj no.

- C. Nkauj thim, tsis muaj cai mus koj ntsiag to li ib tug nkauj xwb. Yog leej twg lam yuam cai thiab ua tsis raws li poj rhawv kab yawm rhawv kev, poj ua cia yawm ua tseg:
 - I. Tus tub ntawv yuav mus ua tshoob ua kos raws nraim li txhooj nkauj pom nraug qab, nraug pom nkauj lw.
 - II. Yog tus tub ntawv tsis kam mus ua tshoob ua kos raws li lub txhooj nkauj pom nraug qab, nraug pom nkauj lw no tus tub ntawv yuav tsum tau mus muas nws txoj kev txhaum ntawm tus ntxhais niam txiv \$200.00, los sis ib lo zoo lus mus thov niam txiv, nws thiaj li yuav muaj cai rov qab los ua tshoob ua kos raws li lub txhooj Nkauj Thim, vim nws tau yuam cai lawm.

TSHOOJ VII – FEEM III: NQI TSHOOB NKAUJ THIM

Thaum thim, yog niam tais thiab yawm txiv tau thim nqi tshoob nqi kos rov qab rau tus vauv tag lawm no mas, thaum qua, niam txiv muaj cai qua raws lis nram no:

- a. Niam txiv muaj cai sau nqi tshoob \$5000.00, yog leej twg nyiam tsum ntshaw raug.
- b. Ib puas mov tshoob noj zeem neej zeem tsav,

TSHOOJ VII – FEEM IV: Kev tiam tub tshoob tub kos

Kev tiam tub tshoob tub kos rau tshoob nkauj thim no mas yuav tsis pub tiam li tshoob nkaug nraug. Tshoob poj nkauj